

KOMMUNALE MÅL FOR FORVALTNING AV HJORTEVILT I ÅSERAL KOMMUNE 2021 – 2025

UTKAST



Overordna målsetting:

Åseral kommune skal ha biologisk sunne bestander av elg, hjort og rådyr. Bestanda skal vere berekraftige med omsyn til grunnlaget for beite og ikkje føre med seg uakseptable konflikhtar med trafikk, landbruksnæring eller friluftsliv. Innafor desse ramma skal elg, hjort og rådyr forvaltas til beste for verdiskaping, lokale jegerinteresser og allmenne naturinteresser.

Bestandskondisjonen og produksjonsevna til elgen skal forbetras slik at jaktutbyttet over tid er stabilt og betydeleg. Hjortebestanden skal auke til en tettleik der hjorten bidreg som eit viktig jaktobjekt over heile kommunen. Produktiviteten til rådyra skal oppretthaldast med ein slik tettleik at rådyret blir eit viktig jaktobjekt i kommunen.

Delmål:

Jaktorganisering

Oppretthalde strukturen på valda som er i dag og arbeide for å organisere i større einingar. Ein må arbeide for at alle valda i Åseral kan inngå i eit bestandsplanområde som kan drive reell «stammevis» forvaltning. Det er eit mål at innen 2025 skal alle valda ha eigen bestandsplan for hjort.

Grunneigere som organiserer rettighet til jakt ved slike bestandsplanområder skal ha et reelt og betydelig handlingsrom i forvaltninga av hjortevilt.

Bestandskondisjon

Kondisjonen til elgen skal forbetres i løpet av målperioden. Mål for perioden er at tettheten skal ligge på rundt 0,25 - 0,30 elg sett. pr. dag . Ein skal ha eit gunstig ku/okseforhold på mellom 1,5 og 2 ku pr okse. Slaktevekt for kalv skal auka til 57 kg i perioden.

Valdansvarleg skal innan 14 dager etter jaktas utløp rapportere sett elg og sett hjort til kommunen. Valda må sørge for å opparbeide gode rutiner for dette. Rapportering skal skje via www.hjorteviltregisteret.no.

Hjorte- og rådyrbestanden sin høge produktivitet skal oppretthaldast.

Hjortevilt og trafikk

Talet på trafikkdrepane elg og hjort skal i målperioden ikkje overstige 5 % av jaktuttaket.

For rådyr skal talet på trafikkdrepane rådyr i målperioden ikkje overstige 10 % av jaktuttaket.

Kommunen skal dokumentere og stadfeste trafikkulykker med hjortevilt i det nasjonale Hjorteviltregisteret.



Skadar på skog og innmark

Det låge konfliktnivået mellom hjortevilt og skadar på skog og innmark i Åseral skal oppretthaldast. Eit akseptabelt konfliktnivå er mindre enn 2 hjortevilt i målperioden.

Hjortevilt som næring

Ein ønskjer at det skal tilbydast eit større spekter og omfang av jakttilbod. Jakttilbod med høg grad av tilrettelegging og fokus på arbeidsplassar og inntening for landbruksnæringa skal aukast. Det skal samstundes vere eit godt tilbod av «tradisjonell bygdejakt» med lågare grad av tilrettelegging – som aktivum for lokalbefolkninga.

Hjortevilt og biologisk mangfald

Hjorteviltet skal ikkje utgjere noko trussel mot det biologiske mangfaldet. Beiting frå hjorteviltet skal ikkje i utilbørleg grad fortrenge nøkkelartar for biologisk mangfald i skog som t.d. osp, eik, rogn. . Beitetaksering vil gje oss svar på dette. Åseral kommune bidreg i beitetakseringsprosjekt som gjeld for heile fylket. Innan målperiodens slutt skal alle valda sjølv legge inn data i Hjorteviltregisteret.

Naturopplevingar og rekruttering av jegerar

Hjorteviltjakta skal vere eit høgdepunkt for jegerar og lokalsamfunn. Jakta skal ha stor samfunnsaksept og føre lokale jakttradisjonar vidare. Det skal vere god spreiding i kjønn og alder blant jegerane. Hjorteviltet skal gje friluftsfolket fine opplevingar i naturen.

Skrantesjuke/Chronic Wasting Disease – CWD

Åseral kommune skal bidra aktivt i arbeidet med å bekjempe utviklingen av CWD gjennom spreiding av informasjon og innsamling av prøver.

